



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

১২ নভেম্বর, ২০০৮

আন্তর্জাতিক শিক্ষা সপ্তাহ উদযাপন করবে ইউএসইএফআই **আমেরিকায় পড়তে চলুন' উৎসব আমেরিকান সেন্টারে ১৯ নভেম্বর**

কলকাতা -- 'আমেরিকায় পড়তে চলুন'। আগামী ১৫-১৯ নভেম্বর 'আন্তর্জাতিক শিক্ষা সপ্তাহ' (আইইডব্লু) উদযাপনের অঙ্গ হিসাবে 'ইউএস এডুকেশনাল ফাউন্ডেশন ইন ইন্ডিয়া'-র (ইউএসইএফআই) কলকাতা আঞ্চলিক দপ্তর আমেরিকান সেন্টারে শুক্রবার, ১৯ নভেম্বর 'আমেরিকায় পড়তে চলুন' শীর্ষক এক দিনভর অনুষ্ঠানের আয়োজন করেছে। যে সব ছাত্রছাত্রী মার্কিন যুক্তরাষ্ট্রে পড়তে আগ্রহী এবং অন্যান্য যাঁরাও এ ব্যাপারে উৎসাহী তাঁদের সম্মিলিত অংশগ্রহণে এই উৎসব হয়ে উঠবে আকর্ষণীয় ও মনোগ্রাহী।

অনুষ্ঠানের উদ্বোধন করবেন নয়াদিলিতে মার্কিন দূতাবাসের সংস্কৃতি বিষয়ক আধিকারিক এবং ইউএসইএফআই পরিষদের চেয়ারম্যান আদনান সিদ্দিকি। ইউএসইএফআই-পরিচালিত বিভিন্ন পরীক্ষা যেমন টিওইএফএল, জিআরই, এসএটি এবং জিএমএটি-র ওপর একগুচ্ছ ভিডিও ক্যাসেটও ওইদিন প্রকাশ করা হবে এবং দর্শকদের জন্য দেখানো হবে।

এবারই প্রথম ব্যাক্ষ অব পাঞ্জাব, ডিএইচএল, এইচএসবিসি এবং আমেরিকান এক্সপ্রেসের মতো শিল্প সংস্থার প্রতিনিধিরা আমেরিকান সেন্টারে অনুষ্ঠান চলাকালীন উপস্থিত থাকবেন। ছাত্রছাত্রীদের নানান প্রশ্নের জবাব দেবেন তাঁরা। এর পাশাপাশি মার্কিন শিক্ষালয়গুলিতে স্নাতক ও স্নাতকোত্তর স্তরে ভর্তির ব্যাপারে ছাত্রছাত্রীদের পরামর্শ দেবে ইউএসইএফআই। এর পরে থাকছে ছাত্রছাত্রীদের ভিসা দেওয়ার নিয়মকানুন প্রসঙ্গে একটি অধিবেশন। সেখানে শ্রোতাদের সঙ্গে মত বিনিময় করবেন মার্কিন কনসুলার অফিসাররা। অনুষ্ঠানটিতে উৎসবের মেজাজ আনতে মার্কিন সাহিত্য ও সংস্কৃতির ছোঁয়াও থাকবে।
আমেরিকার কবিতা, নাটক, গান - সব কিছুর স্বাদই শ্রোতারা পাবেন সারাদিনের এই অনুষ্ঠানে। এছাড়াও বিভিন্ন মার্কিন বিশ্ববিদ্যালয়ের ক্যাম্পাস, বিশিষ্ট মার্কিন ব্যক্তিত্ব, স্মৃতিসৌধ, মিউজিয়াম ও উৎসবের ফটোগ্রাফ নিয়ে থাকবে একটি প্রদর্শনী। যদি কেউ প্রাণ্ঘাগারের নতুন সদস্য হতে চান তারও তাৎক্ষণিক ব্যবস্থা থাকবে।
